

II. ГОСУДАРСТВОВАНИЕ ВИТОВТА.

2—4. 2.—Прежде 1390. Поручная Литовских князей и пановъ по Гридкѣ Константиновичъ, *уничившемъ побѣгъ и другіе дурные поступки.*

Поручились князь великому Скиргайлу за Гридка за Костянтиновича, выняли его на свои руки за побѣгъ и за все лихое. Первый поручникъ князь Михайло Евнутевичъ, князь Василиій Михайловичъ, князь Иванъ Городецкій, братъ его князь Юрьи, Левъ Плаксичъ, Левъ Васильевъ сынъ, Русинъ Плаксичъ, князь Ѳедоръ Миркли, братъ его Дмитрій Липята Братша, князь Юрьи Кожюшно, Иванъ Русиневичъ, Осипъ дядя, Исай соколникъ, Данилъ Висовидовичъ, Озарья Мишютинъ, Мелешко, Степанъ Зазыба, Кгастовтъ, Кердути, Крукъждо, Сурьятъ, Ѳедоръ Весна, Ѳедоръ Осташковичъ Рикайло, Охремъ, братья его Терешко, Ондрюшко, Никонъ, Василей Дмитриевичъ, Монивидъ Койликиновичъ, Ондрей Митковъ пасынокъ, Матеѣй Оусовичъ, Семеникъ князь Михайловъ, Онципоръ съ братомъ.

Подлинникъ писанъ на пергаминамъ листкѣ, длиною 2-хъ, шириною 4-хъ вершковъ, полууставнымъ мелкимъ почеркомъ, съ титлами и точками почти при каждомъ словѣ. Внизу, въ трехъ прорѣзахъ листка, три пергамина же узкія тесьмы для привѣсистыхъ печатей, которыхъ нѣтъ. На оборотъ отмѣтка: Fidimissio quondam pro aliis duci Skirgaloni. Внизу: 1413 годъ и архивскій № 21. — Хранится въ С. Петербургѣ при Правительствующемъ Сенатѣ въ Метрику, по каталогу № 106.

3.—1393. Отдѣльная запись, выданная старостою Русской земли Гнѣво-

шемъ пану Волчку на имѣніе въ Червоной Руси и движимое имущество.

А се знаменито будъ и свѣдочно вснмъ добрымъ, што на тотъ листъ узоздрять. А се мы панъ Гнѣвошь, староста Рускоѣ земли, то познавамы нашимъ листомъ: а приходъши предъ наше обличье и передъ земляны панъ Волчокъ, пана Ходьковъ сыновець, Лоевичъ, и съ пани Ходьковою женою и съ еѣ дѣтьми, и зятемъ еѣ Илюсомъ поедналися о села вшитка, о дѣлницу; отдѣлили Волчка отъ себе, дали ему село у Теробовльской волости Новосельцѣ, а шить кобыль и стада, а жеребець, а два хресты серебряная; а поедналися на вѣки, ожъ Волчкови не починати о дѣлъ николи. А при томъ были и свѣдѣцы: панъ Ходько Быбелскій, панъ Васко Кузмичъ, панъ Пашко Мазувчанинъ, Ивашко Данславъ Рекъполтъ, Костко судья Перемышальскій, и много было добрыхъ при томъ. А писанъ листъ у Вышни, по Божѣмъ нароженѣ 1000 лѣтъ и 300 лѣтъ и 90 лѣтъ и 3 лѣтъ.

Подлинникъ писанъ на пергаминамъ листкѣ, уставнымъ почеркомъ. Вмѣсто знаковъ препинанія, поставлены вездѣ точки. Печать оторвана.

Хранится въ библиотекѣ Института графа Оссолинскаго, въ Львовѣ.

Списокъ съ него, съ палеографическимъ описаниемъ, доставленъ въ Археографическую Коммиссію корреспондентомъ ея г. Зубрыцкимъ.

4.—1396 іюня 20 — 1413. Грамота великаго князя Витовта Борисовцамъ о тивуискомъ доходѣ.

Се язъ князь великій Витовтъ дали есмы сюю нашу грамоту Борисовцомъ, што же тивуномъ дохода ихъ безмѣномъ не давати, но

давати имъ тивуномъ доходъ у нашъ камень вѣсячій у Меньскій; а вѣсити ихъ челоуѣку Борисовцу по старинѣ передъ тивуномъ и передъ мужми, а тивуномъ и слугамъ его въ то не вступатися и ничѣмъ черезъ пошлину не обидити. А кто иметь черезъ сюю нашу грамоту въ чомъ ихъ обидити, того и сказимъ. А писанъ на Ямчинѣ, во вторникѣ, передъ купалы светого Ивана, мѣсяца іюня 20 дня.

Изъ Литовской Метрики (Запис. кн. XVIII, л. 104 об.), хранящейся при Правительствующемъ Сенатѣ, въ С. Петербургѣ. Въ заглавіи акта отмѣчено: Privilegium in pergamenis cum sigillo arpenso Vitoldi quondam Magni Ducis Lithuaniae, securiens pro eisdem subditis Borisoviensibus supradictis.

5.—1398 сентября 12, или ноября 14. Въновная запись пана Герваса на уступленное женѣ своей имущество, засвидѣтельствованная старостою Галицкимъ и Снятинскимъ Бенкомъ.

А се я панъ Бенко, староста Галицкій и Снятинскій, свѣдѣю то своимъ листомъ каждому доброму, кто на сесь листъ узритъ, или передъ кымъ будетъ чтіонъ: иже пришелъ передъ насъ панъ Гервасъ, и въноваль, и оправилъ своіой женѣ Варварѣ сто гривень на своіомъ селѣ на Толмачи и Жюрковѣ, на своіой вотчинѣ; а на то дали іосмы свой листъ и нашу печать привѣсили. А при томъ были свѣдѣцы: панъ Никола Испичникъ, воевода Снятинскій, панъ Гѣрко, панъ Андрияшъ, панъ Борисъ Хомѣковичъ, панъ Хролъ Варваринскій, Воронко войтъ Коломыйскій Рускій. А писанъ листъ оу Коломыи, оу тыждень по святомъ Михаилѣ, коли ся пишеть, подъ лѣты Рожества Христова 1000 лѣтъ и 300 лѣтъ и девяносто лѣтъ и осмое лѣто.

Подлинникъ сей записи, харатейный, хранится въ фамильномъ архивѣ графа Ив. Тарновскаго въ селѣ Диковѣ, что въ Галиціи, въ уездѣ Решовскомъ.

6.—1400. Купчая на имѣніе въ Червоной Руси, проданное Ходоромъ Шидловскимъ пану Ключу.

Во имя Отца и Сына и Святого Духа. А се я панъ Мацина, воевода Илвовскій, освѣдчаю тѣ тымъ листомъ каждому доброму, передъ кымъ коли буде тѣтъ листъ чтіонъ: аже пришедъ предъ наше обличье, на имя Ходоръ Шидловскій, своею доброю волею, здоровымъ животомъ, ничимъ не принуженъ, продалъ пану Ключови свою дѣдину, на имя Шидловъ, а къ тому дворище Жаворонковича, то есть, продалъ за 30 копѣ Рускихъ безо дву купу и за кунъ, пану Ключови на вѣкѣ, и дѣтьмъ его, его прирочнымъ послѣдкомъ; а тако продалъ, яко самъ держалъ, и съ нивами, и съ сѣножатми, и со лѣсы, зъ дубровами и съ пасиками, со всѣми границями, и вдоложъ и уперекъ, того исоного села и дворища того Жаворонковича; а панъ Ключъ имаетъ того исоного села Шидлова уживати и дворища того Жаворонковича на вѣки и дѣты его. А на то свѣдѣцы: пано Яшко Мазовшанинъ, пано Мичко Куликовскій, Михаилъ Жильховскій, войтъ Илвовскій Кундрать, Миколать Михала Чабанеского сынъ, Баграмъ сопкый. А на потверженье приложилъ къ тому листу свою печать пано Мацина. А писанъ листъ во Львовѣ, по Божѣмъ нароженіи 1000 лѣтъ 4 ста лѣтъ.

Подлинникъ, хранящійся въ библиотекѣ Института графа Оссолинскаго, во Львовѣ, писанъ на пергаминахъ, современнымъ почеркомъ. Вмѣсто знаковъ препинанія, при всякомъ почти словѣ поставлены точки. Лѣтосчисленіе написано церковными буквами. При актѣ печать воеводская цѣла.

Оба акта доставлены въ Археографическую Коммиссію корреспондентомъ ея г. Зубрыцкимъ.

7.—Около 1401. Уставная грамота Коташа Бѣликовича на дачу изъ его имѣнія милостыни въ Лаврашевѣ монастырь.

Милостію Божію и пречистыя Его Матере

№ 8. Марія, я панъ Коташъ Бѣликовичъ далъ есми на пречистыя домъ, въ новину давати ми вѣчно къ Лаврашеву манастирю изъ моя отчины три копы ржи шестерныя, и тымъ хто будетъ по мнѣ, а давати вѣчно непорушно. А при томъ былъ панъ Васко Войниловичъ; а писалъ тотъ списокъ князя Лвовъ сынъ Федоръ; а при томъ былъ панъ Дѣшко Гавсовичъ, Петръ Шюбичъ и Федько братъ его, а Тишневичъ Янъ. А што есми далъ въ домъ пречистое, то даю вѣчно и непорушно; а приславши архимандриту Лаврашевскому взяти ему мощно, а никому ему не переказати, взяти ему на нивѣ зъ любого жита; а хто бы то хотѣлъ переказати зъ моего роду при моемъ животѣ, и я имъ не перепущу, а по моемъ животѣ Боже и Пречистая не дай имъ того учинити.

Изъ пергаминаго евангелія начала XVI вѣка, принадлежавшаго князю А. А. Чарторійскому, а нынѣ хранящагося въ Императорской Публичной Библиотекѣ.

8.—1401 июня 11. Правая грамота, выданная Петрашемъ, старостою Галицкимъ и Снятинскимъ, Кондрату Ворсничу, по спору его съ Васкомъ Мошенничемъ о границѣ имѣнія въ Червоной Руси.

Во имя Отца и Сына и Свѣтого Духа, аминь. А се язъ панъ Петрашъ, староста Галицкый и Снятинскы, свѣдѣчу то своимъ листомъ, кто коли на сей листъ возр(ит)ъ или услышитъ чтучи: иже пришедъ передъ мя Васко Мошенничъ и позвалъ Кундрата Ворсничя о границю о Вашичиньскую; тогда ему Кондратъ не хо-

тѣлъ отповѣдати: олижъ пришедъ вотчичъ далъ свою рѣчь Васковѣ въ руцѣ, любо стратитъ, а любо добудеть (*) Васко; тожъ ему ялъ Кондратъ отповѣдати его рѣчь. Тогда я панъ староста Петрашъ съ земляны учинили есмы межи ими завитый рокъ на выведѣнне граници: кто межи ими укажетъ твердѣйшимъ листомъ и знамены, што суть на листѣ, тотъ зыскалъ; а кто на рокъ не станеть, а ни вкажетъ, тотъ стратилъ. Тогда я панъ староста на той рокъ своимъ животомъ выѣхалъ на ту границию; тогда Кундратъ указалъ свою границию, и листомъ, и знамены, што на листѣ стоять; а Васко Мошенничъ на той рокъ не сталъ на завитый, а ни людий не выславлъ. Тогда я панъ староста . . . а далъ земляны, оправили есмы Кундра(т)у той граници: поколя ему Кн.ълесъ (**) уѣхалъ, и мы ему (до)толя уѣхали, по та знамена. А при первомъ судѣ были: панъ Васко Тяптюковичъ, панъ Дробышъ, панъ Михалко Жидъ, Ганусовъ зять, Иванъ Долгый, панъ Яцко Гарбортовскый; а ти доконали и осудили: панъ Ургень (***) Мартыновскы, панъ Ольдрихъ Медускы, Дѣтрихъ Кромировскы, панъ Снойко, панъ Михалко Грабовецкы, Костысь Головенничъ. А на то язъ панъ Петрашъ, староста, далъ есмъ Кундратови нашъ листъ подъ нашею печатью, на свѣдоцтво и на твердость. А писана подъ Божьимъ нарожиньемъ 1000 лѣтъ и 4 ста лѣтъ и 1 лѣт(о) (****); а данъ у Галичию, у день свѣтого Валѣтрома. Аминь.

Подлинникъ писанъ на пергаминаго листкѣ, длиною 4 1/2, шириною 6 вершковъ, крупнымъ по-

(*) Въ списокѣ Зубр. «да будетъ: но въ fac-simile слово это написано нераздѣльно, какъ по смыслу и слѣдуетъ быть.

(**) Нельзя полнѣе разобрать истершіяся на пергаминаго буквы.

(***) Такъ въ fac-simile. Зубр. читаетъ «Ургень» и «Юргень», замѣчая, что это имя Юрія на Нѣмецкйи ладъ.

(****) Въ fac-simile здѣсь стоятъ двѣ буквы рядомъ, и (буква л въ актѣ, во всѣхъ мѣстахъ начертана одинаково, но иначе, нежели и), и потомъ отдѣльно а. Слѣдовательно, вѣрнѣе первую принять за соединительную частицу, а другую за цифру. Зубр. считая обѣ буквы числительными, относитъ этотъ актъ къ 1431 году: но нѣкоторые изъ свидѣтелей упоминаются гораздо ранѣе. См. ниже № 9.

лууоставомъ, безъ точекъ и другихъ знаковъ препинанія. Надъ немногими только словами поставлены черты прямыя и дугообразныя вмѣсто титлѣ. Литосчисленіе начертано церковною цифирью. Печати нѣтъ. — Хранится въ архіерейскомъ Перемышльскомъ архивѣ.

9.—1404 октября 19. Правая грамота по спору короля Владислава съ Ядвигою Отиною Пилецкою и ея дочерью Ельжбетою о поземельныхъ границахъ.

Мы бискупи Мацѣи Премыски и Ованасеи владыка Премыски, панъ Янъ дѣдичъ Тарновскый, староста Рускый, панъ Кмита, воевода Сендомирскый, панъ Петръ, воевода Мазовецкый, панъ Миколай Войницкый, панъ Творіанъ, подчяши, Яшко Решевскый, Бенко Жабокрицкый, Гнѣвошъ подкоморый, Яшекъ Мазовшанинъ, Мичко Куликовскый, Ключъ Вержнянскый, Миколай Прерозкый, Янъ Фортуна, Крщень Мартиновскый, Иванъ Клецкый, Францекъ Боршницъ, Гринко Соколецкый, Грицко Кирдеевичъ, Волчко Преслюжичъ, Андрейко Бубельскый, братъ его Грицко, Васко Тяптюковъ, Данило Задеревецкый, Михайло Процевицъ, Драгуй Волошинъ, Костко Солнечковичъ, Ходко Чемеръ, Юрь Мошоничъ, братъ его Васко, Волчко Кузмичъ, Иванъ Данславичъ, Михайло Сенковичъ, Костко судья Премыскый, Яцко судья Саноцкый, Олешко Грудковичъ, Васко Чортковичъ, Глѣбъ Дядковичъ. Чинимъ знаемо симъ нашимъ листомъ, кто на нь возр(ит)ъ или пакъ услышитъ: како коль та речъ межи нашимъ господаремъ кролемъ Владиславомъ Полскимъ съ одной стороны, межи панею Ядвигою Отиною Пилецкою и ея дѣвкою Алжбетою съ другой стороны, о волость о Залѣсе и о Тычинь мѣсто, и о тыи села, што къ тому мѣсту прислушаетъ въ земли Саноцкой, на многихъ роцѣхъ предъ нами водилась, тогда на роцѣ на предреченымъ сторонамъ въ Мельцѣ, въ недѣлю, на вутрей светого Луки евангелиста завитѣ и конечиѣ

вложенымъ, наменемъ, зъ добрымъ размышленіемъ много добрыхъ люди и съ правомъ умѣющихъ рады ужившихъ и у единствѣ воли нашей Бога и правду знаючи, осудили есмы и осужаемъ; аже господаръ нашъ кроль Владиславъ напредъ реченыи ближши есть къ тому мѣсту къ Тычину и къ тымъ селомъ и ко вше волости Залѣской, нижли тыи пани Ядвига и ея дѣвка Алжбета, заплативъ имъ тыи пенязи пять сотъ гривенъ Полскихъ, его жъ мѣста Тычина и тыхъ селъ и всей волости Залѣское держаніе вѣчно правымъ судомъ напредъ реченомъ господарю королю Владиславу Полскому и его послѣдкомъ присудили есмы и присужаемъ тымъ нашимъ листомъ; и на болшу крѣпость нашего осуженія помочное взяли есмы у кроля, подлугъ нашей земли обычая, а то тако, аже король, заплативъ пять сотъ гривенъ тымъ панямъ, и ма вѣчисто держать, а мы то ему осужаемъ, а панямъ Ядвизѣ и Алжбетѣ вѣчно молчаніе чинимы; и на крѣпость сему нашему листу наши печати привѣсили есмы, въ Мельцѣ, въ недѣлю, на завтрее светого Луки евангелиста, подъ лѣты Розтва Христова тысяча лѣтъ и четыриста лѣтъ четвертого лѣта.

Документъ этотъ и Латинскый его переводъ написаны каждый на отдѣльномъ пергаминаго, сложены вмѣстѣ и перевязаны пергаминаго ленточками, въ числѣ двадцати трехъ; а на нихъ виситъ семнадцать малыхъ восковыхъ печатей, и двухленточныхъ по двѣ, другія отпали; двѣ первыя бискупскія вытиснуты на красной массѣ; печать бискупа Мацѣя больше всѣхъ другихъ и изображаетъ пресвятую Дѣву, держащую на рукъ Иисуса; около надписи: Sigillum Ma . . . episcopi premisliensis. Печать русскаго епископа изображаетъ, какъ кажется, воскресшаго Иисуса, съ хоругвию. Всѣ прочія вытиснуты на темнозеленой массѣ, половина выпала. На обратной сторонѣ диплома надписи: Ticzyn oppidum et territorium Zalessie adjudicatum Regi Wladislao.

№ 10. 10.—1408. Жалованная грамота ко-
— 11. роля Владислава Ягайла Юсифу Бѣдуну
на городище Копыстно, на церковь Покровскую
и на пустыя дворища въ Перемышльской волости
въ Червоной Руси.

Во имя Божіе станся. Мы Владиславъ, съ
Божей милости король Польскій, Литовскій,
Рускій и иныхъ многихъ земль господарь,
знаемо чинимъ симъ нашимъ листомъ, кто ко-
ли на нь узритъ, или услышитъ чтучи: аже
слуга нашъ Бѣдунъ, на имя Есифъ, послужилъ
намъ вѣрно, и мы узрѣвши на его вѣрную
службу, хотячи по немъ ажбы тымъ лѣпшій и
вѣрнѣй послужилъ намъ и дѣтемъ нашимъ и
нашимъ шадкумъ, вонъ и его дѣти, и его на-
мѣсткове, даемъ, и дали есмы слузѣ нашему
Бѣдуну, на имя Есифу, наше городище Ко-
пыстно, церковь на имя Покрова Матере Бо-
жое, а подъ городищемъ Копыстномъ наша
дворища пустая Боднарская, то есмы ему да-
ли у нашей волости у Перемыской, што коли
къ тому прислушало изъ вѣка вѣчнаго; и къ
тымъ дворищомъ, што суть поля того зобо-
пуль лѣса Стручина, лука Моговище малое
и великое, што къ тому городищу слушало,
даемъ, отдали есмы тую истную дѣдину на-
шу на вѣки вѣкомъ. А тако дали есмы ему и
его дѣтемъ и его намѣсткомъ, со всеѣмъ пра-
вомъ, зъ лѣсы, съ дубравами и съ пасѣками,
съ полемъ и зъ сѣножатми, зъ водами, ста-
вами, зо всеѣми ужитки и зъ вѣчными грани-
цами, што къ тому селу изъ вѣка прислушало и
слушаетъ, како широко и долго и округло у
его границахъ. А той истный слуга нашъ
Бѣдунъ, на имя Есифъ, имаеть служити намъ
и нашимъ дѣтемъ изъ того села двѣма стрѣл-
ци, и на каждую нашу дорогу, гдѣ намъ по-
требизна. А про недостатокъ людей имаеть
слуга нашъ Бѣдунъ, на имя Есифъ, самъ у той
земли у Перемыской быти и въ томъ селѣ; а
коли бы была отъ нѣкоторыхъ нашихъ не-
пріятелей налога на нашу землю Перемыскую,
тогда имаеть слуга нашъ Бѣдунъ, на имя

Есифъ, самъ своимъ животомъ полагати со всеѣ-
ми своими людьми на оборонѣня нашей землѣ
Перемыской. А тыи роботы и дани и полатки
имаеть робити и давати къ нашей потребизнѣ,
яко иншіе земляне, коли есть того потребиз-
на. А къ сему нашему листу на крѣпость ка-
зали есмо нашу печать великую привѣсити, у
нашомъ городѣ у Сундомири, другое недѣли
въ понедѣлокъ великого поста, подъ лѣты Ро-
жества Христова, тысяча лѣтъ, и чтериста
лѣтъ и осмь лѣтъ. А при томъ были свѣдци:
панъ Янъ Краковскій съ Тарнова, панъ
Хрчонъ, воевода Судомирскій, панъ Михалъ
Любелскій, панъ Клементъ Вислицкій, панъ
Войтко, Судомирскій судья, панъ Мичекъ
Штанъ, подсудокъ Судомирскій. Аминь.

*Изъ рукописнаго сборника, хранящагося въ
Львовской Оссолинской библіотекѣ, подъ № 34.*

11.—1409 сентября 7. Передаточная
грамота отъ Фили Мяковича Колъ Да-
люевскому на имѣнія въ Червоной Руси.

А се я панъ Янъ Щькотскій, панъ Вислиц-
кій, староста Галицкій, свѣдчю то и познаваю
симъ нашимъ листомъ каждому доброму . . .
надобѣ . . . кто на той листъ позритъ, или
услышитъ его чтучи, коли будетъ . . . того
листу кому потребизна: ижъ прида прѣдъ
насъ и прѣдъ земляны . . . Филь Мяковичъ и
съ своею братьею, на имя и зъ Гринькомъ Со-
чивьчичьмъ, и съ Минькомъ, и съ зятемъ и се-
строю, со всеѣхъ своихъ ближнихъ приво-
лѣнемъ, своею доброю волюю, а ни примучь-
ни, познали то, ижъ суть продали (и уздалъ
прѣдъ нами) пану Колъ Далюевскому оста-
точную свою половину дѣднини Тристанецъ
за 3 и за 20 копъ, и оправили ему ту полови-
цу Тристанецъ у 50 копъ, на вѣки вѣкомъ, и
дѣтемъ его, уздали и отступили тоѣ дѣднини
пану Колъ, тако яко сами държали, и со всеѣмъ
правомъ и съ всеѣмъ обыздомъ, ничьго собѣ
не вынимаючи, ни зоставляючи, и со всеѣми
границами вѣчистыми, съ полемъ и землею,

и съ лѣсы и зъ дубравами, и съ озеры, и ста-
вы и ставищи, и съ луками (*) и сѣножатми,
и со всеми ужиткы, што нинѣ суть, што и
потомъ могутъ быть; а ту дѣднину панъ Ко-
ла вольнъ продати, или замѣнити . . . , или
туть отдати, у своѣ лѣпшій ужиткы оброти-
ти, абы волилъ то пану Колъ Филь Мяковичъ
и съ своею братьею и своимъ всеѣми ближ-
ними, ижъ у той половици дѣднини, и у дру-
гой што първое купилъ панъ Кола, не могутъ
габати Филь, а ни его братья . . . а ни его
ближши, у той дѣднинѣ Тристанецъ паца
Колы и его дѣтій и его ближшихъ. А той рѣ-
чи свѣдци: Стрыецъ воевода Галицкій, панъ
судя Дробышъ, панъ Васко Тяпотоюковичъ,
панъ Хрщкъ Мартиновскій, панъ Никола
Истпичникъ, панъ Малофъ, панъ Михалко
Грабовьцкій, Борисъ Хомѣковичъ, Стыцко Да-
лятинскій, инѣхъ добрыхъ много было къ то-
му; а я панъ Янъ Щькотскій, панъ Вислиц-
кій, староста Галицкій, даю сій свой листъ
пану Колъ Далюевскому, на свѣдоцтво, подъ
нашею пчатюю. Писанъ листъ у Галичу, у
понедѣлокъ прѣдъ Матки Божіѣ 1 день, чи-
сло лѣтъ Розества Христова 1000 лѣтъ и 4 ста
лѣтъ, 9 лѣтъ, у вѣки, аминь.

*Подлинникъ, хранящійся въ фамильномъ архи-
вѣ графа Ив. Тарновскаго, въ Диковѣ, писанъ на
пергаментномъ листѣ, внизу котораго привѣшена
старостинская печать. Ни знаковъ препинанія,
ни прописныхъ буквъ нѣтъ, а вмѣсто цифръ въ
самомъ актѣ и въ лѣтосчисленіи поставлены
церковныя литеры съ титлами.*

*Всѣ четыре акта, въ спискахъ, доставлены въ
Археографическую Коммиссію г. корреспонден-
томъ Зубрыцкимъ.*

12.—1415. Жалованная грамота ве-
ликаго князя Александра Витовта Гри-
горію Самбору на три пустоши въ Ясво-
скомъ округѣ.

Витовтъ, великій князь Литовскій, Рускій,

(*) Въ подл. «лулуками».

(**) Въ подл. написано: «того листого листу».

Жомоитскій. Билъ намъ господару чоломъ № 12.
слуга нашъ Самборъ, абыхмо ему дали тры — 13.
пустовцизны въ округѣ Ясвоьскомъ; ино
мы ему дали Вейкутнику, Трумпнику и Вит-
монтишку, съ которыхъ онъ намъ и потом-
комъ нашимъ конемъ служити маеть. Писанъ
у Вилни, индикта десятого, году тисеча чо-
тыриста петнадцатого. У того листу печать ве-
ликаго князя Витовта притиснена.

*Выписана изъ жалованной подтвердительной
грамоты короля Сигизмунда III-го, на дворян-
ское достоинство и гербъ Самогитскому зем-
лину Григорію Юрьевичу Самбору, 1592 г. іюня
10, находящейся въ Литовской Метрицѣ (Запис-
ки. LXXVIII, л. 136 об. — 138), при Правитель-
ствующемъ Сенатѣ, въ С. Петербургѣ. Въ загла-
віи грамоты отмѣчено: Григорію Самбору зо-
ставенье его при вольности шляхетской.*

13.—1418 августа 15. Мѣновая грамо-
та на имѣнія въ Червоной Руси.

А се я панъ Михалъ Бучачскій, староста
Галицкій, свѣдчю то и познаваю симъ своимъ
листомъ каждому доброму, кому надобѣ, кто
на той листъ позритъ, или услышитъ его чту-
чи, коли буде того листу (**) кому потребизна:
иже пришедши передъ насъ и передъ земля-
ны Тучнякъ Иванъ и съ панею Росовою и съ
Марегорѣтою, своею доброю волею, ничимъ
не примучени, познали передъ нами и передъ
землями, иже ся замѣнили селы: Тучнякъ
далъ пани Марекарѣтѣ Росовой свое село Ку-
ропатники и Нелятича дворище, а такъ уздалъ,
яко самъ имѣлъ, и съ полемъ и землею, и съ
луками, и съ водами и съ рѣками, и съ луги,
и съ гаи, и съ лѣсы, и съ дубравами, и со всеѣ-
ми ужиткы, што и нинѣ суть, што и потомъ
могутъ быти, и со всеѣми границами вѣчисты-
ми, што изъ вѣка къ той дѣднинѣ прислуша-
ло, со всеѣмъ и съ тѣмъ уздалъ Росовой на вѣ-
ки вѣчныѣ; пакъ ли бо кто нагабалъ у той дѣ-

№ 14. диниѣ на нюю (sic) Росовую Марекрѣту, или — 15. (на) того, кому бы она продала: а то Иванько Тучнякъ имаеть заступити и оправити; или бы дворъ нагабалъ, и то имаеть оправити Тучнякъ. А такожь пани Марекорѣта Росовая дала свое село Сернокъ Тучнякови и 40 копъ придала за Куропотъники, а тако ему уздала, яко сама имѣла, и съ полемъ, и съ землею, и съ сножатями, и съ рѣками, и съ болоты, и съ гаи, и со всеми ужитъки, што нынѣ суть, што и потомъ могутъ быть, и со всеми границами вѣчистыми, и со всемъ и съ тѣмъ уздала Тучнякови, што изъ вѣка къ той дѣдиниѣ прислушаеть, на вѣки вѣчныѣ; пакъ ли бы кто нагабалъ у той дѣдиниѣ у Серны, или кроль гоеподарь: то паки Марекорѣта Росовая имаеть заступити и оправити, подлугъ земьского права. А тому свѣдци: панъ Микола Истпиченикъ, панъ Зубрь Янечки, панъ Франецкъ Борешениць, Войтъко пана старостинъ братъ, Никлесь войтъ Галицькій, Михалъ Грабовецкій, иныхъ много добрыхъ; а я панъ Михалъ Бучачекскій, староста Галическій, даю сій свой листъ пани Марекорѣтѣ Росовой, на свѣдоцество, подъ своею печатью. Писано (sic) листъ у Галичу, у понедѣлокъ на перьвоѣ Матъки Божіѣ, число лѣтъ Рожества Христова 1000 лѣтъ и 4 ста лѣтъ и 18 лѣтъ.

Подлинникъ, хранящійся въ фамильномъ архивѣ графа Ив. Тарновскаго, въ Диковѣ, писанъ на пергаментѣ.

Доставленъ, въ списокъ, въ Археографическую Коммиссію корреспондентомъ г. Зубрыцкимъ.

14.—1421. Заемное письмо Василя Мошончича, данное Ивану Гулевичу, на сто купъ.

А се я панъ Васко Мошончичъ свѣдцю то своѣмъ листомъ каждому доброму, кто на сесь листъ позритъ, или кому буде сего листу по-

требно: оже узалъ есмь у пана Ивашка сто купъ у Гулевича, а имаю пану Ивашкови лати ту сто купъ отъ сеѣ Матки Божьѣ, што придетъ, на другую Матки Божьѣ, а пакъ ли бы панъ Васко не (от)далъ тѣхъ ста купъ пану Ивашкови, отъ сеѣ Матки Божьѣ на другую Матки Божьѣ, у рукъ: тогда имаеть панъ Васко лати увазанье (*) пану Ивашкови у Руляцѣ, со всемъ правомъ, яко самъ държалъ панъ Васко, а не вынимая ничого съ того села; а тотъ листъ далъ панъ Васко на тыи же пѣнязѣ, што на пана старостѣнѣ листу лежать. А на то были свѣдци, добрыи панове: панъ Котлинскій воевода Илвѣвски, панъ судья Лѣвскій, панъ Миколай Мильчинскій, панъ Андрѣй Ребутъ, панъ Ивашко Вершняковичъ, панъ Глѣбъ Судѣчь. А писанъ листъ подъ лѣты Рожества Христова 1000 лѣтъ 421, оу дому у Цивдля, во Лѣвѣѣ, данъ по новымъ лѣтѣ третѣ (sic) дни, у пятокъ.

Харатейный подлинникъ принадлежитъ Лембергскому археологу г. Зубрыцкому. Доставленъ въ Археографическую Коммиссію, въ списокъ, имъ же.

15.—1424 августа 17. Жалованная грамота князя Свидригайла на имѣнѣ, данное Драгосиновичу.

Во имя Божее, аминь. Речи, которыи жъ въ часу бывають, ажбы не проминули съ проминучными часы, подобно есть, и мѣли бы прійти къ будущей знаемости, ажбы вѣчностью листовъ были подтверждены. Протожъ мы Швитрыкгайло, инако Болеславъ, зъ Божьей милости князь Черниговскій и иныхъ, на знаимость то чинимо симъ нашимъ листомъ каждому доброму, нинѣшнимъ и потомъ будущимъ, сего листа чтучимъ и слушающимъ, кому будетъ того потребизна. Аже взозрѣше есмь на вѣрную службу нашего вѣрного

(*) Въмѣсто «увазанье», по польски uwiązanie; соотвѣтствуетъ латинскому resignatio, traditio, что означаетъ уступку имѣнія въ пользу займодавца, при несостоятельности должника.

слуги на имя Максима, инако Влада Драгосиновича, штожъ есть намъ вернѣ послужилъ: и служити мѣтеъ, даемъ и дали есмь ему село на имя Косово съ монастыремъ на рѣцѣ на Рыбницы у волости Снятынской, а на рѣцѣ на Черемоши двѣ полянѣ Березово а Жабье, а тако есмь ему дали, ему и его дѣтемъ, и его исчадомъ и его намѣстникомъ то-то перво реченое село съ тыми со всеми пожитки, што здавна прислухають тамъ, яко коли есть у своихъ объѣханныхъ границахъ, долго и широко и кругло, яко уѣхана къ нему граница отъ Рознова черезъ поле поперекъ на устье Воволочъ, а на устье Холосова обчиною горою до Волуйце, подле дубины, по нижній конецъ дубины, на верхъ Волуйце обчиною, алитъ до пасеки, а обчиною поперекъ на стожки, обчиною отъ пустынѣ на верхъ Воловце. А тако ему даемъ и дали есмь съ млины, съ польми, съ ролями, съ сножатми, съ луками, съ паствами, съ водами, и съ ихъ истоки, съ рѣками, съ потоки, съ крыницами, съ ставы, съ озеры, съ мочилы; со всякими текучими и стоячими водами, съ лѣсы, гаи, съ дубровами, съ чащи, съ дубники, съ березники, съ бортьми, съ пасѣками, съ корчовемъ, съ лоземъ, съ горами, и съ малыми горками, съ долинами, и съ ловы звѣрыными и пьтичими. И мѣтеъ то держати и уживати и поживати, воленъ пролати, и заставити, отдати, замѣнити, на свои лѣпшии пожитки обернути онъ и его дѣти и его намѣстци. А тое село перво реченое имѣють намъ давати, подлугъ права Волоского, ты-то доходы што-тѣ исполнин ю, а съ каждаго кметя по два гроши Полскихъ Краковского рѣзу у каждый годъ. А также перво реченный Владъ имѣтеъ съ того села служити къ нашей потребизнѣ копьемъ и двѣмя стрѣлцы, и его намѣсткове также у . . . писаную службу намъ и нашимъ

намѣстникомъ. А на подтвержденіе тому нашему листу казали есмь привѣсити нашу печать; а то ся стало у Ос четвергъ августа 17, подъ лѣты Рожества Христова тысяча лѣтъ, и четьреста лѣтъ и двадцать четвертаго лѣта. А тотъ листъ вышелъ зъ рукъ Ивашка подскарбьего; а писалъ Ванько.

Подлинникъ писанъ на пергаментномъ листѣ. Внизу грамоты прикрѣплена печать на шелковомъ шнуркѣ бѣлаго, краснаго и зеленаго цвѣта. Вѣтъхъ. — Хранится въ Пулавской Библиотекѣ.

16.—1424. Разъѣзжая грамота на поземельныя границы имѣнія пана Юрковскаго и пана Ивана Борыницкаго въ Червоной Руси.

А се я панъ Ленко, староста Зудечовскій, свѣдцю симъ своимъ листомъ каждому доброму, кто коли нанъ узритъ, или хто коли его услышитъ чтучи, комужъ его буде потребно. Аже есмь розѣхали границу межи паномъ Юрковскимъ и паномъ Ивашкомъ Борыницкимъ, межи Острова и Дроховичъ, и закопы есмь закопали вѣчныи; а имають пана Юрковскаго люди изъ Острова и съ Юкшовець имають (*) дрыва (sic) рубати, але не паствити, а ни свиней упуцати у лѣсъ; а закопы копали: панъ Михалъ Малеховскій, панъ Григоръ Бартошовскій, а слуга мой Илко. А при томъ свѣдци были: панъ Дмитръ Ролчъковичъ, а панъ Петръ Цебровскій, а панъ Янъ Зубрьскій, а панъ (**) Куликовскій, а панъ Сенько Процевичъ, а панъ Татомиръ Балицкій, а иныхъ при томъ досыть добрыхъ было. А къ сему листу приложили есмь свою печать. (Писанъ) подъ лѣты Рожества Христова 1000 лѣтъ и 400 лѣтъ 24-го лѣта.

Подлинникъ писанъ на пергаментномъ листкѣ, длиною 3 1/2, шириною 4 вершковъ, полууставнымъ почеркомъ, съ точками, замѣняющими знаки препинанія, и съ дыханіями надъ нѣкоторыми глас-

(*) Въ подл. это слово повторено.

(**) Здѣсь имя свидѣтеля пропущено.

№ 17. ными литерами. Лѣтосчисленіе начертано церковною цифирью съ титлами. Печати нѣтъ. — Хранится въ фамильномъ архивѣ Галицкаго помѣщика Алоизія Борковскаго, жительствующаго Стрышскаго уѣзда въ деревнѣ Островь.

Списокъ акта сего, литографированный Лембергскими студентами въ Венгріи, въ Будимѣ, доставленъ въ Археологическую Коммиссію корреспондентомъ ея г. Зубрыцкимъ.

17. — 1427 сентября 7. Запись великаго князя Витовта на дворщице, данное Еську Нешевичу въ Подольской землѣ.

Мы великій князь Витовтъ, дали есмы Еську Нешевичу дворщице Ярополково пустое; осаживати ему собѣ и розпахивати собѣ. А на то дворщице записали есмы ему сею нашею

грамотою пятьдесятъ гривенъ Подольскими полугрошки. А коли быхомъ хотѣли любо сами взяти съ него то селище, его осаженье и розпашъ, или кому быхомъ призволили выкупити, тогда маемъ заплатити ему пятьдесятъ гривенъ полугрошки, по той личбѣ, какъ у Подольской земли идетъ. А писанъ въ городѣ въ Островѣ, въ лѣто послѣ Христова Нроженья тысяча и четыреста и 27 лѣто, сентября у 7 день, индикта у 6-й.

Подлинникъ писанъ на пергаминахъ листкѣ, безъ знаковъ строчныхъ. Въ началѣ грамоты поставленъ крестъ. Лѣтосчисленіе церковными буквами. Внизу скръпа: Довквирдъ правилъ. Красно-восковая печать приложена на пергаминахъ тесьмахъ. — Хранится въ Пулавской Библиотекѣ.

III. ГОСУДАРСТВОВАНИЕ СВИДРИГАЙЛА И СИГИЗМУНДА КЕСТУТЬЕВИЧА.

18. — 1430 ноября 5. Жалованная грамота князя Свидригайла Ивану Мушатѣ на имѣніе въ Луцкомъ повѣтѣ.

Милостью Божьею, мы великій князь Швитрыгайло Олькирдовичъ, чинимъ знаменито симъ нашимъ листомъ каждому доброму, нишнимъ и потомъ будучимъ, кто нашь узрѣть или его чтучи услышитъ, комуждо коли потребизна его будетъ. Иже видивъ и знаменавъ намъ службу его вѣрную, николи неомѣшканую, нашего вѣрнаго слуги пана Ивана Мушатѣ, и мы, порадившысе зъ нашою вѣрною радюю, съ князи и паны, и даемъ и дали есмы ему село Склинъ, у Луцкомъ повѣтѣ, со всимъ съ тымъ, што къ тому селу слушало и здавна и нынѣ слушаетъ, и зъ гаи, съ полми и съ нивами, и зъ сѣножатями, и зъ лѣсы, и зъ дубровами, и зъ болоты, и зъ рудами, и зъ рѣками, и зъ потоки, и зъ кривницами, и зъ зеремены, и зъ бобровыми гоны, и зъ ставами и ставищи, съ ловы и зъ ловищи, и зъ мыты, дали есмы тому предречоному пану Ивану Мушатѣ и его дѣтемъ и его ближнимъ по немъ будучимъ, можетъ собѣ панъ Иванъ и его дѣти по немъ будучые того имѣнья розшировати, на новомъ корени посадити. Пытали есмы старыхъ бояръ и мужей старыхъ: што была земля одышла отъ Склина къ Блудову о десетину, ино то есмы опять прывернули (съ) Склина по высокую могилу, ѣдучы къ пустомыту, а дуброва вся съ нашими ловы по Горуховскую дорогу; а старое ставище велѣли были есмы зоставити пану Даньку Мукосѣвичу, а потомъ велѣли есмы зоставити пану Ивану Мушатѣ къ десетинному берегу къ бискупци-

кому. А панъ Иванъ Мушата рекъ передъ нами о гнетъ: какъ коли не было десетины, а коли Богъ дастъ спустъ будетъ, и я дамъ на пречистую Богоматерь десятую бочку съ того ставу. А то есмы дали пану Ивану Мушатѣ и его дѣтемъ и его унучатомъ и его ближнимъ по немъ будучимъ, можетъ панъ Иванъ Мушата и его дѣти и его ближніе тое имѣнье прода-ти и зоставити, промѣнити или по души дати; а то есмы дали тое имѣнье вѣчно и непорушно. А пры томъ были наша вѣрная рада, князи и панове: князь Иванъ Васильевичъ Чорторыйскій, князь Михайло Васильевичъ Чорторыйскій, маршалокъ нашъ, панъ Иванъ Коварынъ Резановичъ, панъ Немира, староста Луцкій, панъ Гаврыло Шило Кирдеевичъ, панъ Василей Полоцкій, панъ Пешко, маршалокъ нашъ, князь Оедоръ Козека, панъ Семашко Ефифановичъ, панъ Оедько Колодязкій, панъ Оедько Козловскій, канцлеръ нашъ. А на потверженье того нашего жалованья, про лепшую память и твердость, и печать нашу велѣли есмы прывѣсити къ сему нашому листу. А писанъ у Луцку, подъ лѣты Рожества Исусъ Христова лѣтъ 939 мѣсяца ноября 5, индикта 9.

Изъ Литовской Метрики (Acta Magn. Duc. Litv., рукоп. in-fol. Судн. дѣлѣ, кв. XII, л. 157 об. — 158 об.), хранящейся при Правительствующемъ Сенатѣ, въ С. Петербургѣ. Въ заглавіи отмѣчено: Напервей привилей великаго князя Швитрыгайла, давший пану Ивану Мушатѣ на село Склинъ у Луцкомъ повѣтѣ, на вѣчность, гдѣ и границы описаны суть. Эта привилегія подтверждена королемъ Сигизмундомъ I, 1541 г. сентября 20.